

**Diss. mathematica ad Exod. XIV de quaestione an tempore transitus  
Israelitarum per Mare Rubrum fuerit ordinarius refluxus seu detumescentia  
/ [Johann Jakob Baier].**

**Contributors**

Baier, Johann Jakob, 1677-1735.

Baier, J. W.

Universität Jena.

**Publication/Creation**

Jena : Nisi, 1697.

**Persistent URL**

<https://wellcomecollection.org/works/yhgw5x9d>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

Q. D. B. V.

DISSE<sup>R</sup>TAT<sup>I</sup>O MATH<sup>E</sup>MATICA

ad Exod. XIV.

DE QVÆSTIONE

AN TEMPORE

TRANSITVS ISRAELITA-  
RVM PER MARE RVBRVM FVERIT  
ORDINARIVS REFLVXVS SEV DE-  
TVMESCENTIA

Consensu Amplissimæ Facultatis Philosophicæ

In Almâ Salanâ

a. d. Septembr. M DC XCVII.

placido Eruditorum examini proponenda

P R A E S I D E

M. JOH. GVILIELMO BAJERO

ET RESPONDENTE

JOHANNE JACOBO BAJERC

Fratribus Germanis

illo Theol. hoc Medic. ac Philos. Stud.

---

J E N Æ,

LITTERIS NISIANIS.

SERENISSIMI PRINCIPIS  
AC DOMINI

# DN. JOHANNIS WILHELMI

DVCIS SAXONIÆ

Juliaci, Cliviæ ac Montium, nec non Angariæ  
& Westphaliæ,

LANDGRAVII Thuringiæ, MARCHIONIS Misniæ,  
PRINCIPIS COMITIS Hennebergiæ, COMITIS Marcæ  
& Ravensburgi, Saynæ item ac Wittgensteinii,  
DYNASTÆ Ravensteinii

DOMINI NOSTRI CLEMENTISSIMI

Virtutum non minus quam Ditionum

Hæredi

SERENISSIMO PRINCIPI AC DOMINO

# DN. WILHELMO HENRICO

Saxoniam, Juliaci, Cliviæ, Montium, Angariæ  
& Westphaliæ Duci,

LANDGRAVIO Thuringiæ, MARCHIONI Misniæ,  
PRINCIPI COMITI Hennebergiæ, COMITI Marcæ &  
Ravensburgi, nec non Saynæ ac Wittgensteinii,  
DYNASTÆ Ravensteinii,

DOMINO NOSTRO PARITER CLEMENTISSIMO

perpetuam felicitatem!



58700 (3)

(o)

SERENISSIME PRINCEPS  
DOMINE CLEMENTISSIME



Vas hic ad pedes Tvos bumillimo  
cultu deponimus schedulas, studiis  
nostris in Academia patria primitae  
sunt, exiles quidem, sed fidâ pie-  
tate piâque fiducia sustentatae. Cer-  
tarunt nuper amula subditorum,  
obsequia CLEMENTISSIMVM  
TVI ac Patria PATREM idoneò habitu exceptura : nos  
solos communes inter plausus silere hactenus jussit facun-  
diae viriumque inopia. At nunc, cùm è publicâ cathedra  
facienda nobis verba sunt, vicit timorem pietas, & SER-  
ENISSIMVM PRINCIPEM nostrum apertâ venera-  
tione prosequi in TE Filio Ejus vivâque Imagine, suasit.  
Munusculum quod portamus, nec atas Tua, nec Indoles  
respuit. Quodsi enim Herculem in cunis ceu domitorem  
monstrorum colere priscis aquum fuit: quidni & TIBI,

PRINCEPS OPTIME, velut Musarum nostrarum Apollini sacrare ingenii nostri fætus liceat? Qui in tenellâ istâ etate tantâ jam gratia & amore complecteris literas eaurumque cultores, ut inexpugnabile quondam præsidium abs TE sibi omnes polliceantur. Firmavit propositum nostrum ipsa Dissertationis materia, Matthesin exhibens Sacrae Scripturae applicatam, disciplinam, quâ Principes Adolescentes potissimum exercere prudentia seculi nostri instituit. Hinc, quamvis labor noster nibil excelsâ Indole TVA dignum ferat, rei tamen, quam tractat, sublimitatem probaturam TIBI nostros conatus speramus. Quæ uti votorum nostrorum summa est, sic venerationem in TE nostram indies magis accendet perficietque, ut aliquando TIBI gloriosos Majorum thronos ornanti digniora ad tholum suspendere anathemata possit. Ita Vale, DOMINE CLEMENTISSIME, & SERENISSIMORVM PARENTVM Gaudium, subditorum spem, bonorum omnium vota felicissimus Princeps imple, quin supera. Dabamus Jena. d. 3. Septembr. M DC XCVII.

SERENISSIMÆ CELSITUDINIS  
TVÆ

subjectissimi servi

M. JOHANNES GUILIELMVS BAJERVVS  
JOHANNES JACOBVS BAJERVVS.



I. N. I.

## C A P V T I.

*Præliminare.*

§. I.

**I**nter opera fortissimæ manūs, quâ gementem sub onere servitutis populum suum ex Ægypto supremum Numen eduxit, præcipue reminet miraculosa illa Rubri seu Arabici maris divisio, quæ eādem prope horâ Israëlitis regiam per medias undas viam, Pharaoni vero cum exercitu ferale inibi sepulcrum paravit. Coluerunt hoc prodigium sanctâ admiratione non Judæi solum, sed & omnium seculorum Christiani, ejusque divinam originem tantò promptius agnoverunt, quanto clarius eam Sacræ literæ & ipsius rei circumstantiæ demonstrant.

§. II. Non defuere tamen olim ex impiis Ethnicorum scholis prognati homines; nec fortassis hodienum ex Atheorum turba desunt, qui ut Religionis nostræ subruant fundamentum, miraculi hujus auctoritatem & per illud Sacrarum Scripturarum fidem labefactare conantur. Hinc, cum ipsius transitūs veritatem, accolarum Maris rubri testimonio victi, negare non audeant, modo prorsus natura-

vid. Mornæ.  
um de ver.  
Rel. Christ.  
Cap. 27.

li eum contigisse sibi aliisque persuasum eunt: Mosen quippe observato dicti maris refluxu, tam exiguae latitudinis sinum facile & sine ullo miraculo potuisse trajicere.

§. III. Opposuerunt se illis è Christianis interpretibus æquè ac Philosophis benè multi, & objectiones istas evertere variis rationibus fatererunt. Nonnulli in rubro ma-

Mornus  
I.c.  
ri fluxum refluxumque planè nunquam sentiri autumant; quæ responsio utique omnium foret expeditissima, nî peregrinantum & accolârum contrariæ observationes refragarentur. Alii ergo, cum æstum reciprocum in hoc mari cogantur admittere, urgent textum scripturæ, imprimis, ubi Exod. XIV. aquæ Israëlitis dicuntur fuisse murus à dextrâ eorum & à sinistra eorum: item, ubi Dominus abegisse fertur ipsum mare Eurô vebemente totâ illâ nocte &c. qui sanè effectus ab ordinario maris fluxu & refluxu oriri aut cum eò consisterne neutiquam possint.

§. IV. Verùm, quis non videt, has rationes ad eos tantum convincendos valere, qui Sacræ Scripturæ auctoritatem quoad omnes circumstantias agnoscunt, non æquè satisfacere Ethnicis Atheisque. Quid enim, si quis cœlestis veritatis contemtor transitum Israëitarum per mare rubrum, quatenus profanorum Scriptorum suffragiis confirmatur, accidisse quidem concedat, memoratas autem circumstantias, velut à Mose, divinam auctoritatem sibi ac suis operibus paraturō, confictas rejiciat? Quid, quod

Dissert. de Celebris Scripturæ interpres Job. Clericus textum citatum Traject. Maris Idum. in proßus ita explicat, ut cum sententiâ suâ, quæ transitum ferta Com. Israëlis mediante refluxu factum, asserit, conciliari comment. in modè queat? Quanquam enim laudatus vir miraculum in Penitateuch. P. 541. seqq. hac trajectione haud neget, quatenus scilicet à Deo præter solitum naturæ cursum excitatus ille ventus sit, qui mare per noctem abegit, statuit tamen, eundem cum ordinario maris

ris refluxu fuisse conjunctum, huncque impulsu suo ita au-  
xisse, ut aquæ recedentes nudum & siccum fundum per spa-  
tium satis amplum præbuerint. In quâ sententiâ licet for-  
tasse & illud desiderari posse, quod æstum reciprocum dari  
in sinu Arabico tantum probet, refluxum vero in ipsum  
tempus trajectoris Israëlitarum incidisse gratis supponat:  
Mox tamen habet quod regerat *Dn. Clericus*, nimirum, non  
esse multiplicanda miracula, ubi causæ secundæ præsto sunt,  
nec has temerè rejiciendas, ubi textus Scripturæ illas ad-  
mittit.

§. V. Hæc cum ultrò citròque diu ponderassemus, vi-  
sum tandem est, aliâ viâ rem aggressi, & Matheeos ope e-  
ruere ex hâc controversiâ veritatem. Advertebamus e-  
nim, totius negotii cardinem verti in illâ quæstione, *an pra-  
cisè eō tempore, quò populus Israëliticus mare rubrum tran-  
sivit, ejus ordinarius refluxus, & quò Aëgyptii perierunt,  
solitus fluxus seu intumescentia fuerit*: cujus decisio nus-  
quam felicius, quam ex observationibus Geographorum  
earumque collatione cum Chronologiâ, & siderum tunc  
temporis positu, peti potest. Hæc principia, uti communia  
minimeque suspecta sunt, ita nemo, vel Ethnicorum, vel  
Atheorum, nisi absurditatem suam manifestò profiteri ve-  
lit, deductas hinc ritè conclusiones negare aut respuere po-  
terit. Decrevimus igitur B. C. D. quousque his mediis  
progredi in hâc materiâ liceat, periculum facere;  
de successu B. Lector judicet.

## CAPVT II.

*Media ad Quæstionis solutio-  
nem facientia exponens.*

## §. I.

**A**nte omnia nobis concedi postulamus, quod nemo nisi absurdè obstinatus vocare in dubium poterit, circumstantias illas temporis, quas è Scripturis huc accersemus, ejusdem auctoritatis esse, ac ipsa trajectio rubri maris, quoad sui substantiam, quam quidem ab omnibus substratam quæstionem ventilantibus admitti, præced. Cap. ostensum est. Quoniam enim data hæc Chronologica 1.) nihil in se miraculosi continent, 2.) maximam partem non ex ipsâ trajectionis historiâ, sed antecedentibus planè distinctis Scripturæ textibus petuntur, 3.) à ritibus Ebræorum, consuetôque illorum computô, quorum veritas non sacris solum, sed profanis quoque monumentis constat, desumpta sunt, nulla utique apparet ratio, cur quis ea rejicere, vel saltem suspecta reddere possit.

§. II. Ulterius tanquam concessa supponimus, quæ à Philosophis & Geographis fide dignis passim circa durationem, vices & affectiones alios æstus marini observata fuere. Compertum quippe longâ experientiâ est, motum hunc aquæ reciprocum in plerisque Oceani partibus certas servare leges, quas si quis satis perspectas habuerit, non præteritos solum indicare, sed & futuros prædicere ejus eventus, non secus ac siderum apparitiones possit.

§. III. Respiciunt autem dictæ observationes partim diversa temporis, queis æstus accidit, puncta, partim varia Oceani loca.

§. IV.

§. IV. Ratione temporis distinguitur fluxus & refluxus  
in *diurnum, menstruum, & semestrem.*

§. V. *Diurnum* vocant, quando mare singulis diebus naturalibus bis intumescit, undisque suis altius littora tegit, & bis iterum detumescens à littoribus recedit. Sequitur aqua hōc motu plerumque cursum lunæ, eā quidem lege: cum Luna per Horizontem transit, fluxus seu intumescentia incipit, & per sex horas sensim augetur, donec Lunâ circa Meridianum seu superiorem, seu oppositum versante, supremum & ipse gradum attingat; In quo per 12. circiter minuta sine perceptibili motu quiescit; dein per sex horas refluxit, sive decrescit, ac per totidem minuta post refluxum quiescit, & ita porro.

§. VI. Cum vero mare hoc duplici fluxu refluxuque, (connumeratis quater 6. horis & 12. min.) plus temporis consumat quam 24. h. quæ naturalis diei longitudo est, appareat, æstum, perinde ac Luna, quotidie circiter 48. min. serius redire, ut, si v. g. hodie fluxus sit horâ XII. cras 12. min. ante horam I. eveniat. *Itaque unâ synodica periodo Lunæ,* (verba sunt *Dn. Clerici*) à plenilunio ad plenilunium, æstus marini per omnes 24. horas circumaguntur adeò ut, si hōc plenilunio mare ascenderit horâ XII. proximò eadem horâ iterum ascensurum sit, non prius.

§. VII. *Menstruus* maris æstus à priori non differt, nisi quod, ut in illo certis dierum, ita hīc mensium, partibus, maria turgent, certis iterum residunt. Ostendit & hic æstus Analogiam quandam cum motu ac phasibus Lunæ. *Testatur quippenautæ* (citante *Varenio*) *Oceanum turgere in pleniluniis & noviluniis, in quadris malaciam esse, quæ calma* p. m. 126. dicitur. Pleniorē descriptionē exhibet *Atb. Kircherus*, *Mundo Subtili*, dignam, quæ huc transcribatur: *Tempore novilunii, inquit, mare omnium maximè tumet fervetq; usq; ad quartum ferè* T. I. Lib. III. Sect. 2. Cap. I. p. 129.

Physic. Lib.  
II. c. 8. p. 152.

etatis lunaris diem inclusivè ; Nam à quartò usque ad septimum notabiliter aquæ incipiunt decrescere, ita ut circiter die à novilunio octavo sint humillimæ usque ad undecimum, & ab hoc usque ad decimum septimum incrementum resumunt, à XVIImo vero usque ad XXIIDum decrescunt usque ad XXVtum, & hinc usque ad conjunctionis tempus continua incrementa denuò suscipiunt, durante perpetuò alternâ bâc incrementorum decrementorumque vicissitudine, Speciatim laudatus Varenius æstum quibusdam in locis vehementiorem in pleniluniis quam in noviluniis observavit.

§. IIX. Præter hactenus enumeratas æstus marini species, tertia adhuc superest, quam semestrem supra vocavimus. Hæc itidem à prioribus parum distat : Est enim nihil aliud, nisi major aquarum intumescentia, quam præ cæteris anni tempestatibus Vere & Autumno circa Äquinoctia, adeoque per intervalla semestria mare patitur : de quâ qui plura legere cupit, adeat Auctores modò citatos : nobis pro scopo nostro hac pauca summatim dicta sufficiunt.

§. IX. Illud tamen , ne quid dissimulasse videamur, sicco pede præterire non possumus, phœnomena fluxus & refluxus hucusque exposita non æqualiter in omnibus Oceani partibus observari. Reperias enim non solùm Lacus , sed & ingentes marium tractus , qui vel æstum plane nullum, vel anomalum habent ; unde facilè quis persuaderi posset, dubium incertumque esse, quicquid ex his principiis pro definiendo Rubri Maris æstu, solvendaque quæstione initiò proposita deducitur. Sed benè est, quod pridem certis indiciis cognoverunt sagaciores Physici & Geographi , inæqualitatem hanc fluxûs & refluxûs non dependere ab ipso maris motu ejusque causâ efficiente , quæ qualiscunque demum sit, agat æqualiter, ( uti patet è constanti æstus in Oceano libero analogiâ ) sed potius à diversò quorundam,

màrium situ & littorum terrarumque variâ dispositione.  
 Sic v. g. juxta Varenium, magnum accrementum & decre-<sup>I.c.p.m. 118.</sup>  
 mentum recipiunt ea loca 1.) quæ sunt in Zonâ Torridâ, in-  
 tra Tropicos, 2.) quæ directè ab Oriente ad Occidentem ex-  
 tenduntur, vel juxta plagas collaterales, 3.) in illis Sinibus,  
 qui oblongi sunt & minus lati, magis sensile est accremen-  
 tum (ceu de Veneto sinu testatur du Hamel, 4.) in illis lo-<sup>Phys. P.z.p.</sup>  
 cis quibus pauca insulae vel procurrentes terra adjacent. <sup>m. 436.</sup>

Ratione temporis observavit *Dn. Clericus æstum* eò serius <sup>Phys.Lib.II</sup>  
 evenire, quò littus Septentrioni, seu Polo nostro proprius <sup>c. 8. p. 151.</sup>  
 est. Quin prætereà magnorum fluminum illapsus, declivi-  
 tas littorum &c. multum ad hanc fluxûs anomaliam confe-  
 rant, vix est, quod quisquam dubitet.

§. X. Quodsi ergo ad hæc requisita mare Rubrum exa-  
 minemus, apparebit, nullam adesse causam, quæ extraor-  
 dinarium fluxum ei tribuere suadeat. Nam licet hic Sinus  
 directè ab Oriente in Occidentem haud vergat, os tamen il-  
 lius, per quod cum Oceano jungitur, ( si tabulis Geographi-  
 cis fides habenda ) rectâ in has plagas extensum tantæque  
 amplitudinis est, ut aquas per Oceanî fluxum ( quem or-  
 dinarium esse constat,) appulsas, promptè ac sine impedi-  
 mento recipere possit. Prætereà nec flumen illabent-  
 ium moles undas illius turbat, nec littorum anfractûs flu-  
 xum refluxumque remorantur: Quin & testium *ἀυτοπλῶν* au-  
 thoritas pro nobis stat, expressè enim *Petrus Belonius Obs.*  
*Lib.II.cap. 70. de æstu maris Rubri* scribit: Elle a son flux  
 & reflux, comme la mer Oceane. Ut alios regularita-  
 tem ejus in motu reciprocô adstruentes jam prætereamus.

§. XI. Explicatis ita æstuum Maris Rubri phænomenis,  
 proximum est, ut & temporis, quô Transitus Israëlitarum  
 contigit, circumstantias evolvamus. Respiciendum au-  
 tem hic erit, perinde ut in fluxu marino ad tria potissimum

momenta, tempus nimirum anni, mensis, & diei; de primo prius agamus.

§. XII. Hebræos ex institutione DEI annum suum Ecclesiasticum à Novilunio, vel cum Æquinoctio verno coincidente, vel eidem proximo ordinariè auspicatos fuisse notius est, quām ut prolixa demonstratione indigeat. Audiamus solùm Philonis clarissimum hâc de re testimonium, quod è Lib. III. de vitâ Mosis, Dn. Clericus citat: *Moses primum mensem (anni) eum constituit, qui initio est æquinoctii verni, &c.* Scilicet ante Mosen Æquinoctium autumnale in memoriam (ut interpres suspcionis) Mundi conditi principium annorum suorum fecerant antiqui Hebræi, quod in civilibus quoque negotiis post legem latam, permansit: Verum eò tempore, quô liberare populum è servitute Ægypti DEVS decreverat, nè memoria tanti beneficii unquam extingueretur, visum ei est, non annuam solum Paschatos Festivitatem sancire, sed & ipsius anni sacri in id tempus transferre initium, ceu prolixè docet Moses, Exod. XII. Cum igitur hōc modō primus anni mensis in Æquinoctium vernum, Paschatos autem Festum in hunc ipsum mensem incideret, sequitur quoque transitum Israelitarum per mare rubrum, qui primum Pascha proximè excipiebat, paucis ab Æquinoctio diebus contigisse.

§. XIII. Hoc tantò evidenter constabit, si (2) monstraverimus quōnam mensis die populus Israelis memoratum, mare trajecerit. Nostram in præsentiarum haud facimus controversiam inter Chronologos hactenus agitata; utrum Hebræi menses suos præcisè à conjunctione Solis, ac Lunæ, an à primâ Lunæ phasi antiquitūs computarint. Sufficere nobis ad scopum præsentem potest regula Scriptura-

Dissert. de riis perpetua, quam pro inveniendâ horum phænomenorum differentiâ, è Wilb. Langio Straubius assert: Dato No-

Anno Ebr.  
Eccles. §. 12.

vi-

*vilunii veri tempori adde 27. horas cum dimidiâ, habebis iuxta Scripturarios tempus, circa quod necessariò Luna videri debet seu, quod idem est, prima Phasis apparat.*

§. XIV. Et nunc quidem obscurum amplius esse nequit trajectionis, quod quarebamus, momentum. Datur enim in Sactis dies exitûs Israëlis ex Ægypto, dantur eorum in itinere mansiones circumstantiis sat evidentibus signatae, quibus cognitis, quid ulterius desiderari possit, non video. Dies egressûs, docente Scripturâ *Exod. XII, 28. seqq.* erat à Paschate celebratô primus, & *Numer. XXXII, 3. decimus quintus mensis primi* dicitur, ducto scilicet vel à mediô Novilunio, vel à prima Phase mensis initio. Vtrumcunque eligas, perinde nobis est: Si prius, Plenilunium hoc ipso die evenit, si posterius, proximè eundem antecessit, ceu præcedente §. docuimus.

§. XV. Mansiones itineris priusquam distinctè enumeremus, notandum, Israelitas in via istâ non peregrinantium more pedententim incessisse, sed velut in fugam acti, iter quam maximè præcipitasse. Indicat hoc satis luculent Exod. XIV. v. 5. Ctitic. S. p. m. 25.  
*ברח*, quod, *Leibio teste, celeriter currendo abire ac festinare* significat, certè in loco præsenti tale progreendi genus exprimit, unde colligere poterat Pharaoh, non animum esse populo, factis in deserto sacris Ægyptum repetero, quod prius ipsi persuaserant, sed celeri fugâ saluti suæ consulere. Non enim in Textu dicitur: *Et annunciatum Regi Ægyptiorum est, quod elapsò triduò nondum rediisset ex eremo populus; sed quod auffugeret,* (כִי בָרַח). Alias circumstantias, quæ celeritatem hujus itineris arguant, jam brevitatis causâ omittimus. Nec est, quod quis objiciat, exercitum maximâ parte pedestrem & mulieribus, liberis, gregibusque onustum, velocitatem istam non tulisse. Quidni enim, qui (fatentibus τοῖς έρανίας) eo-

dem apparatu paucissimarum horarum intervallo lutosum  
maris alveum trajecerunt, Ægypti quoque & vicinæ regio-  
nis planiciem emetiri satis expeditè potuerint?

§. XVI. Gæterum mansiones, ubi in itinere populus ad  
transitum usque maris requiescebat, in Scripturâ nominan-  
tur sequentes: *Profecti sunt filii Israël è Rameses, & castra  
metati in Suchoth.* *Profecti autem de Suchoth castrameta-  
ti sunt in Etham, quæ est in extremo deserti.* Et profecti de  
*Etbam, reversi sunt ad Pi-bachiroth, quæ est è regione Baal-  
Zepton, & castra metati sunt è regione Migdot.* *Profecti  
verò de Pi-bachiroth transferunt per medium mare in de-  
sertum.* Quum scilicet primo diei decimi quinti diluculô Ra-  
mesis è domiciliis suis exiisset, minimum imminente vespe-  
râ in Suchoth confederunt: ibi etenim primum post agnum  
paschalem cibum paraverunt atque sumserunt, teste Scri-  
pturâ Exod. XII, 39. diutius autem quam 24. horas totum  
exercitum, præsertim vigiliis & itinere fatigatum jejunas-  
se, credibile prorsus non est. Eadem ratione eos circa ve-  
speram decimi sexti diei Ethamum, & decimô septimô Pi-  
bachirothas venisse ut credamus, præter fugæ celeritatem  
suprà notatam, ipsius quoque viæ brevitas nos inducit; Lau-  
datus enim Belonius idem iter, si non majus, Cairô nempe  
Ægypti ad oppidum Sues, in littore Maris Rubri positum,

*Observ. L.I. tertiat nocte se consecisse, quamvis lentè proficisciens, testa-*

c. 54.

*tur.* Porrò eâdem decimi septimi diei vesperâ assecutus  
est Pharaon citato agmine Israelitas, *castra ad mare ponentes*  
(ceu *Dn. Clericus* locum Exod. XIV, 9. vertit) h. e. tentoria  
sibi ac strata ad requiem noctis futuræ præparantes, quâ  
nondum ad dimidium perductâ maris recessit unda, &  
de-  
cantatæ illi trajectioni viam aperiit. Sed de hoc in sequen-  
ti §. copiosius agendi locus erit. Nunc si dicta ad Lunæ  
statum applicemus, videbimus illicò, diem transiūs fuisse

vel

vel quartum à Plenilunio, vel quintum, prout nempe vel à mediâ luminarium conjunctione, vel à primâ Phasi mensis auspicamur. Juxta priorem enim sententiam exitus ex Ægypto ( quem die mensis XVto factum è §. 14. constat ) incidit in primum Plenilunii; iter Suchotis usque Ethamum in secundum; periodus ab Ethamô usque ad mare, in tertium, & consequenter transitus ipse, proximâ nocte suscepimus, in quartum. Juxta posteriorem, exitus unô circiter die seriùs accidit, & hinc trajectionis quoque dies erit à Pleniluniō quintus. vid. supra §. 13.

§. XVII. Proximum jam est, ut ostendamus, quânam circiter memoratæ noctis horâ populus Israelis trajecerit; minutias enim, & exigua temporis puncta non opus est, ut scrupulosius hic scrutemur. Ægyptios sub vesperam demum in conspectum Israelitarum venisse, modo vidimus. Inter hoc tempus & trajectionis initium, plura, quorum Scriptura meminit, intercessere: 1.) Populi adversus Mo-  
sem querelæ, & hujus consolatio 2.) DEI ad Mosem de per-  
cutiendō ac transeundō Mari mandatum 3.) Angeli DEI  
cum columnâ nubis inter utrumque exercitum interposi-  
tio; 4.) Maris per ventum facta recessio & exsiccatio. Ad-  
dimus nos necessariam vasorum jam expositorum collec-  
tionem, nec non populi, tanto numero tantisque cum gre-  
gibus & impedimentis transituri ordinationem, quæ omnia  
sine dubio notabile temporis spatium absumerunt. Non  
errabimus itaque, spero, si cum *Dn. Clericō* trajectionem  
paulò ante medianam noctem cœpisse & ad tertiam circiter  
horam matutinam durasse dicamus. Ab hâc enim horâ  
incipit vigilia matutina, quâ respexit *Zehova* e columnâ ignis  
& nubis exercitum Ægyptiorum jam in mediō Maris alveo  
constitutum, quâque ad finem inclinante maris unda ad  
vobementiam suam rediens, operuit currus & equites, uni- Exod. XIV.  
24. seqq.

v. 27.

*versum populum Pharaonis.* Verum & hic lunæ positum consideremus, necesse erit. Lunam diurnō suō motu non semper cādem horā sed quotidie fere 48. min. serius ad Meridianum redire in confessu est. Quando igitur quis certō die ejus ad Meridianum accessum invenire cupit, notam esse oportet illius diei, vel à Novilunio, vel Plenilunio distanciam: tunc enim temporis Luna vel cum Sole conjuncta, vel directe ei opposita est, & consequenter cum Sole horā XII. quam proximè ad Meridianū pervenit, ad superiorem quidē in Plenilunio circa medium noctem, in Novilunio circa Meridiem; cui si pro singulis diebus differentiæ addas 48. min. prodibit hora quæ sita. Hinc cùm supra (§. 16.) viderimus, diem transitus per mare rubrum fuisse à Plenilunio quartum aut quintum, connumerandæ solūm erunt pro singulis mansionibus (quæ unius diei intervallo ab invicem distabant,) horæ 24. min. 48. & apparebit illicò, Lunam tunc Meridianum attigisse post medium noctem h. 2. min. 24. juxta priorem hypothesin, vel si alteram assumas, h. 3. min. 12.

§. XVIII. Atque hæc sub cā conditione valebunt, si Plenilunium incidit in medium vel illius noctis, quā populus Israel ex Aegyptō exivit, vel proximè præcedentis, Novilunium verò in horam circiter VI. vespertinam, quæ diei penes Hebræos initium est. Fieri autem potuit, ut v.g. Plenilunium multis horis serius eveniret & per consequens tempore trajectoris Luna aliquot min. prius ad Meridianum pertingeret, nempe si conjunctio luminariū fuisse vesperi horā III. aut IV. &c. Sed hæc differentia tanti non est, ut primariæ Thesi nostræ quicquam derogare possit. Nam si vel maximè ponamus, Plenilunium 24. horis integris ab fuisse à termino supra à nobis assumto, differentia tamen accessus Lunæ ad Meridianum vix 48. min. efficiet. Eligat ergo

ergo quis pro termino Novilunii ac Plenilunii horam quamcunque velit, modò legibus Chronologiæ non adver-  
setur, & eandem conclusionem inde dabimus demonstra-  
tam.

§. XIX. Cæterum monendus adhuc, nè quid dubium  
relinquatur, B.L. est, nos in computatione vigiliarum no-  
turnarum consultò supposuisse horas diei & noctis inter se  
æquales, h.e. cuivis horæ assignasse  $\frac{1}{24} \tau\tilde{\nu} \chi\theta\eta\mu\epsilon\rho\gamma$ . Quam-  
vis enim non ignoremus, Hebræos quemlibet diem artifi-  
cialem & quamlibet artificialem noctem, seu breves illæ  
forent, seu longæ, divisisse in 12. partes æquales, incipien-  
do ab ortu & occasu Solis, quò pacto non potuerunt non  
sæpius horæ dierum ac noctium, & hinc diversarum nocti-  
um vigiliæ notabiliter ab invicem discrepare: In præsenti  
tamen negotio inæqualitas illa locum non invenit, quum  
præter id, quod Mare rubrum, eâ etiam parte, quâ popu-  
lus Israelis trajecit, ferè sub rectâ Sphæra positum est, adeo-  
que per maximam anni partem noctes diebus æquales ha-  
bet, ipsam quoque trajectionem tempore Æquinoctii ver-  
ni contigisse & superioribus constet.

## C A P V T     III.

### *Ex datis mediis Conclusio- nem eliciens.*

#### §. I.

Ita satis, ut existimo, clarè exposita & vindicata præceden-  
ti Capite sunt media, queis obtinere solutionem proposi-  
ta quæstionis possumus. Supereft, ut eadem rite appli-

cenrur. Faciemus autem jam id brevissimè, quia nil nisi collationem prolixius supra dictorum requirit.

§. II. Concludimus igitur, *tempore transitus Israelitarum per mare Rubrum non fuisse refluxum seu detumescentiam ordinariam.* Ratio in promto est. Transitus enim ille (per §. 17.) paulò ante medium noctem cœpit et ad tertiam usque horam matutinam duravit. Ast eâ ipsâ nocte Luna Meridianum obtinuit horâ circiter II. vel III. (juxta §. 17. 18.) & consequenter etiam affluxus aut intumescentia tunc ad supremum gradum pervenit (vid. §. 5.) initium autem ejus, retro numeratis sex horis, fuit horâ vesperæ IIIX. vel IX. unde patet, vix ullum transitus memorati momentum sensibilis detumescentiæ tempus attigisse, etiamsi concedatur, Lunæ ad Meridianum accessum non præcisè his horis, sed aliquot minutis citius aut serius evenisse. Ægyptiorum contrà submersio, quæ vigiliâ matutinâ h.e. intra horas III. & VI. mari ad vebementiam suam redeunte, facta est, in medium fermè refluxus ordinarii tempus incidit, quippe quod affluxum, horâ III. consummatum, immediatè sequebatur.

§. III. Majus adhuc lumen dicta acquirent, si, quæ de menstruo ac semestri maris æstu passim in antecedentibus vidimus, unà conferamus. Constat nimirum è §. 7. & 8. maria circa Æquinoctia itemque in Pleniluniis ac Noviluniis, præ cæteris anni temporibus, turgere aquis & æstuare. Atqui trajectio maris rubri paulo post plenilunium, Æquinoctio verno satis propinquū, suscepta à populo Israelis est: Ergò si ordinarius maris æstus tunc locum habuisset, necessariò tempore transitus aquæ fuissent altissimæ, primâ autem vigiliâ, quâ Ægyptii perierunt, humillimæ, cùm refluxus plerumque imiteretur quantitatem affluxus.

§. IV. Et hinc quidem facile quivis judicare poterit,  
quām

quam turpiter allucinentur memorati in limine Dissertatio-  
nis cavillatores, dum commentô istô de Maris Rubrî refluxo  
evertere divinitatem hujus miraculi tentant; quantis iti-  
dem premantur difficultatibus, qui refluxum quoquô modo  
huc applicant. Non enim sufficit ponere cum *Dn. Clericô*,  
*eredibile esse, mare initio noctis cœpisse refluxere, & refluxum*  
*guidem vehementiori vento acceleratum atque auctum fuisse;*  
*accessum verò qui proximè sequebatur, eodem durante*  
*vento, & undas aliquamdiu sustinente, tardiorem fuisse*  
Certè refluxum ordinarium non initio noctis, sed horâ II.  
vel III. pomeridianâ cœpisse ex hactenus dictis clarum est:  
præcedebat nimirū affluxum, qui secundum §.II. horâ ve-  
speræ IIIX. vel IX. incepit integris sex horis, vid. *Cap. II. §. 5.*  
Itaque secundum hanc hypothesin dicendum foret, ventum  
continuasse refluxum ad 12. horas seu per totum intume-  
scentiæ tempus. Verùm tunc in Oceanô denuò incepit  
refluxus, qui aquas per ventum Boream è rubrō mari  
ejectas secum abstulit. Qui ergò potuit fieri, ut eodem  
momentô tantâque cum vehementiâ iterum affluerent  
Ægyptiosque suffocarent? Certè, nisi novum ventum  
aquas ab Austrō in Boream repellentem fingere, vel ad a-  
liud miraculum fugere velis (quod tamen vix faciet *Dn. Cle-  
ricus*) non video, quomodo te extricare ex hoc dubio pote-  
ris. Sed hæc ulterius prosequi non patitur  
instituti ratio.

S. D. G.

9 a